

ხელშეკრულება სახელმწიფო შესყიდვის შესახებ

NAT 01-057/21

ქ. თბილისი

8 სექტემბერი 2021 წელი

ერთი მხრივ (შემსყიდველი): სსიპ „იუსტიციის სახლი“

წარმოდგენილი შესყიდვების სამსახურის უფროსის მოვალეობის შემსრულებლის გვანცა სისოშვილის სახით,

საიდენტიფიკაციო კოდი: 204 580 202

მისამართი: ქ. თბილისი, სანაპიროს ქ. № 2

მიმღები: სახელმწიფო ხაზინა

ბანკის კოდი: TRESGE22

სახაზინო კოდი: 302003287

მეორეს მხრივ (მიმწოდებელი): შპს „მკს“

წარმოდგენილი მისი დირექტორის სერგო კორინთელის სახით,

საიდენტიფიკაციო კოდი: 206 256 727

მისამართი: ქ. თბილისი, წალენჯიხის ქ. 20.

ბანკის დასახელება: ს.ს. „ტერაბანკი“

ბანკის კოდი: TEBAGE22

IBAN: GE67KS0000000360700028.

წინამდებარე ხელშეკრულება გაფორმებულია სახელმწიფო შესყიდვების შესახებ საქართველოს კანონის 10¹ მუხლის პირველი პუნქტის და სახელმწიფო შესყიდვების სააგენტოს თავმჯდომარის 2017 წლის 14 ივნისის №12 ბრძანებით დამტკიცებული ელექტრონული ტენდერის ჩატარების წესის 33-ე მუხლის პირველი პუნქტის შესაბამისად, პრეტენდენტის შპს „მკს“-ს სატენდერო წინადადების საფუძველზე, NAT210015552 ელექტრონული ტენდერის ჩატარების შედეგად დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

1. ხელშეკრულებაში გამოყენებულ ტერმინთა განმარტებები

1.1 „ხელშეკრულება სახელმწიფო შესყიდვის შესახებ“ (შემდგომში - „ხელშეკრულება“) - შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით, ასევე ყველა იმ დოკუმენტით რომლებზედაც წინამდებარე ხელშეკრულებაში არის მინიშნება;

1.2 „ხელშეკრულების ღირებულება“ - საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და გედმინვენით შესრულებისათვის;

1.3 „დღე“, „კვირა“, „თვე“ - კალენდარული დღე, კვირა, თვე, თუ ხელშეკრულებით სხვა რამ არ არის გათვალისწინებული;

1.4 „შემსყიდველი“ - ორგანიზაცია, რომელიც ახორციელებს შესყიდვას;

1.5 „მიმწოდებელი“ - პირი, რომელიც ახორციელებს შესყიდვის ობიექტის მიწოდებას ხელშეკრულების ფარგლებში.

2. ხელშეკრულების საგანი

2.1 ხელშეკრულების საგანს წარმოადგენს სსიპ „იუსტიციის სახლის“ საჭიროებისთვის:

- ციფრული ფოტოაპარატის სახელმწიფო შესყიდვა კომპლექტაციით.
- CPV კოდი:38651600 - ციფრული ფოტოაპარატები.

2.2 მოსაწოდებელი საქონლის დასახელება, რაოდენობა და აღწერილობა განისაზღვრება დანართი №1-ის (ფასების ცხრილი) შესაბამისად, რომელიც თან ერთვის წინამდებარე ხელშეკრულებას და წარმოადგენს მის განუყოფელ ნაწილს.

3. ხელშეკრულების ღირებულება

3.1 ხელშეკრულების ღირებულება შეადგენს 29 995.00 (ოცდაცხრა ათას ცხრაას ოთხმოცდათხუთმეტი ლარი და 00 თეთრი) ლარს დღგ-ს გათვალისწინებით;

3.2 ხელშეკრულების ღირებულება მოიცავს ხელშეკრულებით გათვალისწინებული საქონლის მოწოდებასთან დაკავშირებულ მიმწოდებლის ყველა ხარჯს, მათ შორის, საქართველოს კანონმდებლობით გათვალისწინებულ გადასახადებს;

3.3 შესყიდვის ობიექტის ფასი მოცემულია დანართი №1-ში (ფასების ცხრილი), რომელიც თან ერთვის წინამდებარე ხელშეკრულებას და წარმოადგენს მის განუყოფელ ნაწილს.

4. შესყიდვის ობიექტის მიწოდების ვადა, ადგილი და პირობები

4.1 საქონლის მოწოდება განხორციელდება, ხელშეკრულების გაფორმებიდან არაუგვიანეს 30 (ოცდაათი) სამუშაო დღის განმავლობაში.

4.2 შესყიდვის ობიექტის მოწოდება უნდა განხორციელდეს შემდეგ მისამართზე: ქ. თბილისი, სანაპიროს ქ. №2 (თბილისის იუსტიციის სახლი).

5. ანგარიშსწორების ფორმა, ვადები და პირობები

5.1 ანგარიშსწორება განხორციელდება შემდეგი პირობებით:

5.1.1 ანგარიშსწორების ვალუტა - ლარი.

5.1.2 ანგარიშსწორების ფორმა - უნაღდო, წინამდებარე ხელშეკრულებაში მითითებული მიმწოდებლის საბანკო რეკვიზიტების შესაბამისად.

5.2 ანგარიშსწორება განხორციელდება უნაღდო ანგარიშსწორებით, ეროვნულ ვალუტაში - ლარში. მხარეთა შორის გაფორმებული მიღება-ჩაბარების აქტის, მიმწოდებლის მიერ წარმოდგენილი სასაქონლო ზედნადებისა და ანგარიშ-ფაქტურის (კანონმდებლობით გათვალისწინებულ შემთხვევაში) საფუძველზე, დოკუმენტების სრულყოფილად გაფორმებიდან არაუგვიანეს 10 (ათი) სამუშაო დღის განმავლობაში.

5.3 დაფინანსების წყარო: სსიპ „იუსტიციის სახლის“ 2021 წლის სახელმწიფო ბიუჯეტიდან გამოყოფილი ასიგნებები.

5.4 წინასწარი ანგარიშსწორება არ გამოიყენება.

6. ხელშეკრულების შესრულების კონტროლი

6.1 ხელშეკრულების შესრულების კონტროლს ახორციელებს სსიპ „იუსტიციის სახლის“ მარკეტინგისა და მომსახურების სამსახური.

6.2 შემსყიდველი ორგანიზაცია უფლებამოსილია აწარმოოს მოწოდებული საქონლის ხარისხის და რაოდენობის ინსპექტირება ხელშეკრულების მოქმედების ნებისმიერ ეტაპზე.

7. შესყიდვის ობიექტის მიღება ჩაბარების წესი

7.1 შესყიდვის ობიექტის მიღება-ჩაბარება ფორმდება მიღება-ჩაბარების აქტით.

7.2 მიღება-ჩაბარების აქტი მხარეთა შორის გაფორმდება საქონლის მოწოდების შემდეგ, ფაქტობრივად მიწოდებული შესყიდვის ობიექტის შესაბამისად, მიმწოდებლის მიერ წარმოდგენილი სასაქონლო ზედნადებისა და შემსყიდველის მიერ განსაზღვრული პასუხისმგებელი პირ(ებ)ის მიერ წარმოდგენილი ინსპექტირების დასკვნის საფუძველზე.

8. პირგასამტეხლო ხელშეკრულების პირობების შეუსრულებლობისათვის

8.1 ხელშეკრულებით ნაკისრი ვალდებულებების შესრულების ვადის გადაცილების შემთხვევაში, მხარეებს შესაძლოა დაეკისროთ პირგასამტეხლო, ყოველ გადაგადაცილებულ დღეზე შესასრულებელი ვალდებულების შესაბამისი ღირებულების 0.1%-ის ოდენობით.

8.2 მიმწოდებლის მიერ ხელშეკრულებით ნაკისრი ვალდებულებების არაჯეროვანი შესრულების შემთხვევაში, მიმწოდებელს შესაძლებელია დაეკისროს პირგასამტეხლო, შეუსრულებელი (არაჯეროვნად შესრულებული) ვალდებულების ღირებულების 1%-ის ოდენობით.

8.3 მიმწოდებლის მიერ ხელშეკრულებით ნაკისრი ვალდებულებების შეუსრულებლობის, ნაწილობრივი შესრულების ან არაჯეროვანი შესრულების მიზეზით ხელშეკრულების შეწყვეტის შემთხვევაში შემსყიდველს უფლება აქვს დააკისროს პირგასამტეხლო ხელშეკრულების ღირებულების 10%-ის ოდენობით.

8.4 იმ შემთხვევაში, თუ მიმწოდებელზე ვადების გადაცდენისათვის ან/და არაჯეროვანი შესრულებისათვის დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 2%-ს, შემსყიდველს უფლება აქვს შეწყვიტოს ხელშეკრულება და მოსთხოვოს მეორე მხარეს ხელშეკრულების შეწყვეტის მომენტისთვის გადასახდელი პირგასამტეხლოს ანაზღაურება.

8.5 იმ შემთხვევაში თუ ხელშეკრულების მოქმედების ვადის გასვლის შემდეგ, მიმწოდებლის მიერ ხელშეკრულებით ნაკისრი ვალდებულებები შეუსრულებელია, შემსყიდველს უფლება აქვს, დააკისროს მიმწოდებელს პირგასამტეხლო ხელშეკრულების ღირებულების 10%-ის ოდენობით.

8.6 მიმწოდებლის მხრიდან, ხელშეკრულებით ნაკისრი ვალდებულებების შესრულების 10 (ათი) დღეზე მეტი გადაგადაცილების შემთხვევაში, შემსყიდველი ითვებს უფლებას შეწყვიტოს ხელშეკრულება და მოსთხოვოს მიმწოდებელს შესაბამისი პირგასამტეხლოს ანაზღაურება.

8.7 პირგასამტეხლოს გადახდა არ ათავისუფლებს მხარეს ხელშეკრულებით ნაკისრი ვალდებულებების შესრულებისაგან.

8.8 მხარეები უფლებამოსილნი არიან განახორციელონ ურთიერთმოთხოვნათა გაქვითვა. ვალდებულებათა გაქვითვა შესაძლებელია მაშინაც, როცა ერთ-ერთი მოთხოვნის შესრულების ვადა ჯერ არ დამდგარა, მაგრამ ამ მოთხოვნის უფლების მქონე მხარს უჭერს გაქვითვას. ვალდებულებათა გაქვითვა ხორციელდება მეორე მხარისათვის შეტყობინებით.

9. მხარეთა ვალდებულებანი

9.1 „მიმწოდებელი“ ვალდებულია:

9.1.1 გადასცეს შემსყიდველს ნივთობრივად და უფლებრივად უნაკლო შესყიდვის ობიექტი ხელშეკრულების პირობების შესაბამისად.

9.2 „შემსყიდველი“ ვალდებულია:

9.2.1 უზრუნველყოს მიმწოდებლის მიერ მოწოდებული შესყიდვის ობიექტის ღირებულების ანაზღაურება ხელშეკრულების პირობების შესაბამისად.

9.3 „მიმწოდებელს“ უფლება აქვს:

9.3.1 მოითხოვოს მოწოდებული შესყიდვის ობიექტის ღირებულების დროული და სრული ანაზღაურება ხელშეკრულების პირობების მიხედვით.

9.4 „შემსყიდველს“ უფლება აქვს:

9.4.1 აწარმოოს მოწოდებული შესყიდვის ობიექტის ხარისხის და რაოდენობის კონტროლი.

10. ხელშეკრულებაში ცვლილების შეტანა და ხელშეკრულების შეწყვეტა

10.1 ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე;

10.2 ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით;

10.3 საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში, ხელშეკრულების თავდაპირველი ჯამური ღირებულების გაზრდა დაუშვებელია 10%-ზე მეტი ოდენობით;

10.4 თუ მხარე ჯეროვნად ვერ ასრულებს მასზე დაკისრებულ მოვალეობებს, მეორე მხარე უფლებამოსილია გავიდეს ხელშეკრულებიდან მის მიერ განსაზღვრული გონივრული დამატებითი ვადის უშუალოდ გასვლის შემდეგ, ხელშეკრულების პირობების დამრღვევი მხარისთვის წერილობითი შეტყობინებით;

10.5 ხელშეკრულება შეიძლება შეწყდეს მხარეთა წერილობითი ურთიერთშეთანხმებით, ასევე წინამდებარე ხელშეკრულებით გათვალისწინებულ ან/და საქართველოს კანონმდებლობით დადგენილ სხვა შემთხვევებში.

11. ხელშეკრულების შესრულების შეუძლებლობა

11.1 ხელშეკრულების დამდები მხარის მიერ ხელშეკრულების პირობების შეუსრულებლობა არ გამოიწვევს მხარის პასუხისმგებლობას თუ ხელშეკრულების შეუსრულებლობა ან არაჯეროვანი შესრულება გამოწვეულია შესრულების შეუძლებლობით (ფორს-მაჟორი);

11.2 ამ ხელშეკრულების მიზნებისათვის შესრულების შეუძლებლობად (ფორს-მაჟორი) მიიჩნევა მხარეებისათვის წინასწარ უცნობი, გადაულახავი და მათი კონტროლისაგან დამოუკიდებელი გარემოებები. ასეთი გარემოება შეიძლება გამოწვეულ იქნეს ომით, სტიქიური მოვლენებით, ეპიდემიით, კარანტინით, საქონლის მიწოდებაზე ემბარგოს დაწესებით, საბიუჯეტო ასიგნების მკვეთრი შემცირებით და სხვა;

11.3 ფორს-მაჟორული გარემოებების დადგომის შემთხვევაში მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე მეორე მხარისაგან გონივრულ ვადაში არ მიიღებს წერილობით პასუხს, იგი ვალდებულია გააგრძელოს ხელშეკრულებით ნაკისრი ვალდებულებების შესრულება შესაძლებლობის ფარგლებში, შექმნილი გარემოებების გათვალისწინებით;

11.4 მხარეთა პასუხისმგებლობა და ვალდებულებები განახლდება ფორს-მაჟორული გარემოებების მოქმედების დასრულებისთანავე.

12. გარანტია

12.1 შესყიდვის ობიექტის კომპლექტაციიდან ციფრულ ფოტოაპარატზე და ობიექტივებზე უნდა ვრცელდებოდეს გარანტია შესაბამისი მიღება-ჩაბარების აქტის გაფორმების დღიდან არანაკლებ 1 (ერთი) წელი.

12.2 შემსყიდველის მხრიდან ციფრულ ფოტოაპარატზე და ობიექტივებზე ექსპლუატაციის ნორმების დაცვის შემთხვევაში, მიმწოდებელმა საკუთარი სახსრებით (ტრანსპორტირების ჩათვლით) უნდა აღმოფხვრას ექსპლუატაციის პროცესში გამოვლენილი ნებისმიერი დეფექტი (ხარვეზი/წუნი) შემსყიდველის მოთხოვნიდან 5(ხუთი) სამუშაო დღის განმავლობაში ან/და საჭიროების შემთხვევაში უზრუნველყოს წუნდებული საქონლის შეცვლა ახლით შემსყიდველთან შეთანხმებით გონივრულ ვადაში, გარდა იმ შემთხვევისა, როცა ხარვეზი გამოწვეულია მექანიკური დაზიანებით ან ბუნებრივი ცვლით.

12.3 მიმწოდებლის მიერ ხელშეკრულების 12.2 პუნქტში მითითებული ვალდებულების შეუსრულებლობის შემთხვევაში, შემსყიდველ ორგანიზაციას უფლება აქვს, საკუთარი ხარჯებით აღმოფხვრას ექსპლუატაციის პროცესში გამოვლენილი დეფექტები და მოსთხოვოს მიმწოდებელს შესაბამისი ხარჯების სრულად ანაზღაურება.

13. დავები და მათი გადაწყვეტის წესი

13.1 ხელშეკრულება დადებულია და განიმარტება საქართველოს კანონმდებლობის შესაბამისად.

13.2 ხელშეკრულების შესრულების პროცესში მხარეთა შორის წარმოშობილი დავა წყდება მორიგებით.

13.3 შეთანხმების მიუღწევლობის შემთხვევაში მხარეებს უფლება აქვთ მიმართონ სასამართლოს.

14. ხელშეკრულების მოქმედების ვადა

წინამდებარე ხელშეკრულება ძალაში შედის ხელშეკრულების ხელმოწერის თარიღიდან და მოქმედებს: საგარანტიო მომსახურების ნაწილში - ხელშეკრულების 12.1 ქვეპუნქტის შესაბამისად; ხელშეკრულების მე-8 მუხლი მოქმედებს ხელშეკრულების ფარგლებში მხარეთა მიერ ნაკისრი ვალდებულებების საბოლოო შესრულებამდე, ხოლო ყველა სხვა ნაწილში ხელშეკრულება მოქმედებს 2022 წლის 31 იანვრის ჩათვლით.

ხელმოწერილია:

ხელშეკრულება და ხელშეკრულების დანართი ხელმოწერილია მხარეთა უფლებამოსილი პირების მიერ, „ელექტრონული დოკუმენტისა და ელექტრონული სანდო მომსახურების შესახებ“ საქართველოს კანონის მე-3 მუხლის მე-4 პუნქტის შესაბამისად, კვალიფიციური ელექტრონული ხელმოწერით.

ვიზირებულია:

სსიპ „იუსტიციის სახლის“ ადმინისტრაციისა და სამართლებრივი უზრუნველყოფის სამსახურის უფროსის მ.შ.-ს მიერ.

სსიპ „იუსტიციის სახლის“ შესყიდვების სამსახურის მრჩეველის მიერ.

"ფასების ცხრილი"

№	შესყიდვის ობიექტის დასახელება	კომპლექტის შემადგენლობა	შესყიდვის ობიექტის აღწერილობა	შემოთავაზებული საქონლის წარმოშობის ქვეყანა, მწარმოებელი კომპანია, მოდელი	კომპლექტის საერთო ღირებულება (ლარი)
1	2	3	4	5	6
1	ციფრული ფოტო აპარატი- რაოდენობა 1 ცალი. ციფრული ფოტოაპარატი კომპლექტაციით	ციფრული ფოტო აპარატი- რაოდენობა 1 ცალი.	ფ/აპარატის ტიპი სრული მატრიცა ეფექტური პიქსელების რაოდენობა 30.4 მეგაპიქსელი მატრიცის ტიპი cmos ვიდეო 4K. 30p/24p. უნევეტი გადაღების სიჩქარე ნამში 7.0 კადრამდე. ეკრანის ზომა 3.2 ინჩი. wifi ს მხარდაჭერა მეხსიერების ბარათი SD/SDHS/SDXC, and Ultra High-Speed (UHS-I) cards ვიზირის ხედვის არეალი 100 %. Iso range 100-32000 / 50- 102400 expansion გარანტია 1 წელი	იაპონია/Canon INC/DS126601 (სავაჭრო დასახელება EOS 5D Mark IV (WG))	29 995.00
		ობიექტივი - 1 ცალი აპარატთან თავსებადი აპარატის ფირმის.	ფოკუსური მანძილი 70-200მმ დიაფრაგმა f/2,8L III ავტოფოკუსით (აპარატთან თავსებადი) გარანტია 1 წელი	იაპონია/Canon INC/EF 70- 200mm f/2.8L IS III USM(3044C002)	
		ობიექტივი - 1 ცალი აპარატთან თავსებადი.	ფოკუსური მანძილი 12-24მმ დიაფრაგმა f/4 ავტოფოკუსით გარანტია 1 წელი	იაპონია/Sigma Corporation /12-24mm f4 DG HSM Art (205954 Canon EF mount)	
		მეხსიერების ბარათი 2 ცალი აპარატთან თავსებადი	მეხსიერება 32GB ინფორმაციის წაკითხვის სიჩქ	ჩინეთი/Western Digital Corporation/მოდელი არ გააჩნია ნაწილის ნომერი SDSDXVE-032G-GNCIN https://shop.westerndigital.com/products/memory-cards/sandisk-extreme-uhs-i-sd#SDSDXVE-032G-GNCIN	
		აკუმულატორი 2 ცალი აპარატთან თავსებადი (ფოტო აპარატის ფირმის)	აპარატთან თავსებადი (ფოტო აპარატის ფირმის)	ჩინეთი/Canon INC/LP-E6N	
		მეხსიერების ბარათის წამკითხავი 1 ცალი	მონაცემთა გადაცემის სიჩქარე up to 500 mb/s თავსებადი ბარათები sd/sdhc/sdxc (including UHS-I) micro sd/sdhc/sdxc, mini sd/sdhc/sdxc (via sd/sdhc/sdxc slot)	ჩინეთი/Shenzhen Longsys Electronics Co. Ltd/სავაჭრო ნიშანი LEXAR/მოდელი არ გააჩნია ნაწილის ნომერი LRW025URBNA https://www.longsys.com/ https://www.lexar.com/portfolio_page/multi-card-25-in-1-usb-3-0-reader/	
		დამტენი და აკუმულატორი მაშუქისთვის	დამტენი თავსებადი AA ზომის აკუმულატორთან 1 ცალი AAზომის აკუმულატორი (8 ცალი ელემენტი)	ჩინეთი/Gradus Group LLC/სავაჭრო ნიშანი WATSON/8LCD-AAK	
		ბუსტერი 1 ცალი, აპარატთან თავსებადი (ფოტო აპარატის ფირმის)	აპარატთან თავსებადი (ფოტო აპარატის ფირმის)	ტაივანი/Canon INC/BG-E20	

		მაშუქი 1 ცალი (ფოტო აპარატთან თავსებადი, აპარატის ფირმის, აპარატზე უნდა მაგრდებოდეს)	გადამცემის მაქსიმალური დიაპაზონი - შენობაში 39.4-49.2 "(12-15 მ). გადატვირთვის სიჩქარე 0,1-დან 6წმ. ავტო ფოკუსის (AF) დამხმარე სხივის წერტილები 1-დან 45-მდე. გადამცემი მაქსიმალური დიაპაზონი - გარეთ 26.2-39.4 "(8-10 მ) (ფოტო აპარატთან თავსებადი, აპარატის ფირმის, აპარატზე მაგრდება)	იაპონია/Canon INC/Speedlite 580EX	
		ჩანთა 1 ცალი	თავსებადი მოთხოვნილ კომპლექტთან ჩანთის ტიპი ზურგჩანთა. ზომები 33×24×48სმ ფერი: მუქი შეფერილობის (შემსყიდველთან შეთანხმებით)	ჩინეთი/Vitec Imaging Solutions Spa /სავაჭრო ნიშანი LOWEPRO/მოდელი არ გააჩნია Flipside Backpack 400 AW III (sku LP37353 ან LP37352 შავი ან რუხი შემსყიდველთან შეთანხმებით) https://www.lowepro.com/global/flipside-backpack-400-aw-iii-black-lp37352-pww/ https://www.lowepro.com/global/flipside-backpack-400-aw-iii-dark-grey-lp37353-pww/	
		შტატივი 1 ცალი	ტვირთამწეობით 9.1 კგ მასალა ალუმინი Leg სართულების / განყოფილება 5 წონა 1.7 კგ. მინიმალური სიმაღლე 0.4089 მ,(40.89სმ) მაქსიმალური სიმაღლე 1.63 მ.	ჩინეთი/Gradus Group LLC/სავაჭრო ნიშანი OBEN/მოდელი არ გააჩნია MFR AT-3565/BZ-217T https://www.obensupports.com/product/13368/Oben-AT_3565*BZ_217T-AT_3565-Aluminum-Travel-Tripod-and-BZ_217T-Triple_Action-Ball-Head	

ხ ე ლ წ ე რ ი ლ ი

ინტერესთა კონფლიქტის არარსებობის შესახებ

ქ. თბილისი

8 სექტემბერი 2021 წელი

ჩვენ, ქვემოთ ხელისმომწერი ვადასტურებთ, რომ შპს „მკს“-ს მიმართ სრულად ვაკმაყოფილებთ „სახელმწიფო შესყიდვების შესახებ“ საქართველოს კანონის მე-8 მუხლით დადგენილ ინტერესთა კონფლიქტის თავიდან აცილების პირობებსა და წესებს.

მეგი კაციტაძე

სსიპ “იუსტიციის სახლის“ ადმინისტრაციისა და სამართლებრივი უზრუნველყოფის სამსახურის უფროსის მ.შ